

水經注箋卷第二十一

先子遺書

漢 桑欽撰

後魏酈道元注

明 李長庚訂

孫汝澄

朱謀埠箋

李克家全校

汝水

汝水出河南梁縣勉鄉西天息山

地理志曰出高陵山即猛山也亦言出南陽魯陽

縣之大孟山汝州志大孟山在魯山縣西五十里山頂低窪四圍若城又言出

弘農盧氏縣還歸山博物志曰汝出燕泉山並異

名也余以永平中蒙除魯陽太守會上臺下列山

水經注箋

卷二十一

付印

川圖以方誌參差遂令尋其源流此等既非學徒

難以取悉既在邁見不容不述今汝水西出魯陽

縣之大孟山黃栢谷巖鄣深高山岫邃密石徑崎

嶇人蹟裁交西即盧氏界也其水東北流逕太和

城西又東流逕其城北左右深植筠柏交蔭尹公

度之所棲神處也神仙傳云尹軌字公度博學五經尤明天文星氣河洛識緯晚

乃學道常服黃精華日三合許年數百歲腰佩漆

竹筒十數枚中皆有藥言可辟兵疫又能銷鉛為

銀銷錫為金後到又東屈堯山西嶺下水流兩分

一水東逕堯山南為澧水也即經所言澧水出堯

山矣一水東北出為汝水歷蒙栢谷孫云按上文當作黃栢谷

水經注卷二十一

黃栢谷

左右岫壑爭深。山阜競高。夾水層松茂柏。傾山蔭渚。故世人以名也。津流不已。北歷長白沙口。狐白谿水注之。夾岸沙漲若雪。因以取名。其水南出。宋本出。狐白川北流注汝水。又東北趣狼臯山者也。東南過其縣北。

汝水自狼臯山東出峽。謂之汝阨也。東歷麻解城北。北故鄆鄉城也。謂之蠻中。左傳所謂單浮餘圍蠻氏蠻氏潰者也。杜預曰。城在河南新城縣之東南。伊洛之戎陸渾蠻氏城也。俗以爲麻解城非也。蓋蠻麻讀聲近故也。汝水又逕周平城。南京相璠曰。

水經注箋

卷二十一

二

付印  
三百七十七

霍陽山在周平城東南者也。汝水又東與三屯谷水合。水出南山北流。逕石碣東。柱側刊云。河南界。又有一碣。題言洛陽南界。碑柱相對。旣無年月。竟不知何代所表也。其水又北流注于汝水。汝水又東與廣成澤水合。水出狼臯山北澤中。安帝末初元年。以廣成遊獵地。假與貧民。元初二年。鄧太后臨朝。鄧騭兄弟輔政。世士以爲文德可興。武功宜廢。寢蒐狩之禮。息戰陣之法。于時馬融以文武之道。聖賢不墜。五材之用。無或可廢。作廣成頌云。大漢之初。基也。揆厥靈圃。營于南郊。右轡三塗。左枕

嵩嶽。面據衡陰。背箕王屋。浸以波澹。演以滎洛。金

山石林。殷起乎其中。神泉側出。丹水涅池。怪石浮

磬。燿焜于其陂。馬融上廣成頌序云。陛下履有虞

恩普勞。遣使交錯。稀有曠絕。時時寧息。又無以自

娛樂。殆非所以逢迎太和。裨助萬福也。臣愚以為

方涉冬。節農事間。隙宜幸廣成。覽原隰。觀宿麥。勸

收藏。因講武。校獵。使寮庶百姓。復觀羽旄之美。聞

鍾鼓之音。桓帝延熹元年。校獵廣成。遂幸函谷關。其水

自澤東南流。逕溫泉。泉南與溫泉水合。溫水殷一作

源。揚波於川左。泉上華宇。連蔭茨薨。交池石沼。錯

落其間。願道者多歸之。其水東南流。注廣成

澤水。澤水又東南入于汝水。汝水又東得魯公水

水。經注箋。卷二十一。三一。王國。四百七十一。

口水上承陽人城東魯公陂。城古梁之陽。人聚也。

秦滅東周。徙其君於此陂。水東南流。合乎宋本澗

水。米出兆山。南流注之。又亂流注于汝水。汝水之

右有霍陽。聚汝水。逕其北。東合霍陽山水。水出南

山。杜預曰。河南南梁縣有靈山。當作者也。其水東北

流。逕霍陽。聚東。世謂之華浮城。非也。春秋左傳。哀

公四年。楚侵梁及霍。孫云。按左傳。襲梁及霍。服虔曰。梁霍周

南鄙也。建武二年。世祖遣征虜將軍祭遵攻蠻中。山賊張滿時厭新柏華。舊本餘賊合攻。得霍陽聚。即此。後漢書。祭遵攻新城蠻。中山賊張滿絕其糧。道滿數挑戰。遵堅壁不出。而厭新柏華餘賊。

復與滿合遂攻得霍陽水又逕梁城西按春秋屬

小邑也於戰國為南梁矣故經云汝水逕其縣北

俗謂之治城非也以北有注城故也今置治城縣

治霍陽山水又東北流注于汝水汝水又右一作左

合三里水水北出梁縣西北而東南流逕其縣故

城西故單狐聚也單狐當作單狐史記秦取九鼎

云單音憚單狐聚在洛陽地理志云秦滅西周徙

徙當作其君於此因乃縣之杜預曰河南縣西南有

梁城即是縣也水又東南逕注城南司馬彪曰河

南梁縣有注城史記魏文侯三十二年敗秦于注

水經注箋

卷二十一

者也又與一水合水發注城東坂下東南流注三

里水三里水又亂流入于汝汝水又東逕成安縣

故城北按地理志潁川郡有成安縣侯國也史記

建元以來功臣侯者年表曰漢武帝元朔五年校

尉韓千秋擊南城當作南越死封其子韓延年為成安

侯即此邑矣世謂之白泉城非也俗謬耳汝水又

東為周公渡藉承休之徽號而有周公之嘉稱也

汝水又東黃水注之水出梁山東南逕周承休縣

故城東為承休水縣故于南國也漢武帝元鼎四

年幸雒陽巡省豫州觀于周室邈而無祀詢問者

老乃得孽子嘉封為周子

漢書地理志

武帝元鼎四年封姬嘉為周子南君再傳以罪棄市其弟延年紹封初元五年正月更封為周承休侯

按汲冢古文謂衛將軍文子為子南稱矣

一作

彌牟據檀弓衛將軍文子名彌牟

其後有子南勁紀年勁朝

當作朝

子衛後惠成王如衛命子南為侯秦并六國衛最

後滅疑嘉是衛後故氏子南而稱君也

自按汲冢古文以下

至氏子南而稱君也六十字皆史記周子南君臣瓚注中語

初元五年為周承

休邑地理志曰侯國也元帝置元始二年更曰鄭

公王莽之嘉美也故汝渡有周公之名蓋藉邑以

納稱也謂之黃城水曰黃水皆非也其水又東南

水經注箋

卷二十一

五

四百八十五

逕白茅臺東又南逕梁瞿鄉西世謂之期城非也

括地志云周承休城一名梁峯馬在汝州梁縣東北二十六里

按漢書世祖自穎

川往梁瞿鄉馮魴先詣行所

孫云行所當

即是邑

也水積為陂世謂之黃陂東轉逕其城南東流右

合汝水

又東南穎川郟縣南

汝水又東與張磨泉合水發北阜春夏水盛則南

注汝水汝水又東分為西長湖湖水南北五十餘

崇東西三百步汝水又東扈湖水北出大劉山南

逕水蓼堆東郟城西南流入于汝汝水又右逕為

南于疑脫字

水經注卷二十一

湖湖水南北八九十步東西四五百步俗謂之東長湖湖水下入汝古養水也水出魯陽縣北將孤山北長岡下數泉俱發東歷永仁三堆南又東逕沙川世謂之沙水歷山符壘北又東逕沙亭南故養陰里也司馬彪郡國志曰襄城有養陰里京相璠曰在襄城郊縣西南養水名也俗以是水為沙水故亦名之為沙城非也又城處水之陽而以陰為稱更用惑焉但流襍間居梨漑季移一作流襍間居築漑頻移宋本作裂漑既互移致令川渠異容津途狀改當作改狀故物望疑焉又右會董溝水宋本作董溝水水出沛公壘西六

水經注箋

卷二十一

六

四百三十三

十許步蓋漢祖入關往征一作往往是由故地擅斯目

矣其水東北注養養水又東北入東長廸一無湖廸字

亂注汝水縣宋本作汝水也汝水又逕郊縣故城南春

秋昭公十九年楚令尹子瑕之所城也激水注之

水出魯陽縣之將孤山東南流許慎云水出南魯

陽入父城從水敖聲呂忱字林亦言在魯陽激水

東入父城縣與栢水宋本作栢水下同會栢水出魯陽北

山水有二源奇導於賈復城合為一瀆逕賈復城

北復南擊郟所築也後漢書云更始郟王升會及諸大將在南

世祖召諸將議曰郟最逼宛為次誰當擊之復復率然對曰臣請擊郟上笑曰執金吾擊郟吾復復

文記上教有脫

夏俗語訛謂之寡婦城水曰寡婦水北瀆水有窮通故有枯渠之稱焉其水東北流至父城縣北右注激水亂流又東北至郊入汝汝水東南左合藍水水出陽翟縣重嶺山東南流逕紀氏城西有增臺記紀氏臺續漢書曰世祖車駕西征盜賊羣起郊令馮魴為賊延哀所攻力屈上詣紀氏羣賊自降即是處後漢書云馮魴有方略建武三年拜起邾賊延哀等眾三千餘人以圍縣舍魴率吏士七十許人力戰連日弩矢盡城陷魴乃遁去帝馳赴潁川魴請行在在郊城東北十餘里其水又東南流逕黃阜東而南入汝水汝水又東南流又與白溝水

水經注箋

卷二十一

七

四百七十五

合水出亭城西而南逕夏亭城西又南逕龍城西城西北即摩陂也縱廣可一十五里魏青龍元年有龍見于郊之摩陂明帝幸陂觀龍於是改摩陂

曰龍陂其城曰龍城其水又南入于汝水宋本本豐汝水二

又東南與龍山水會水出龍山龍谿北流際父

城縣故城東昔楚平王大城城父以居太子建故

杜預曰即襄城之城父也按漢地理志潁川有父城縣而潁川有城父縣

此注自說潁川之父城乃忽引楚平王城父事故并舉說苑襄城君與黃帝襄城問塗以實杜注豈父城與城父本為一耶馮異據之以降世祖用報巾車之恩

也後漢書馮異字公孫潁川父城人也漢兵起異以郡掾監五縣與父城長苗萌共城守為王莽

拒漢光武略地潁川攻父城不下也兵中車鄉  
間出行屬縣為漢兵所執上召見異異曰異一夫  
之用不足為疆弱有老母在城中願  
歸據五城以効功報德光武曰善其水又東北

流與二水合俱出龍山北流注之又東北入于汝

水汝水又東南逕襄城縣故城南王隱晉書地道

記曰楚靈王築劉向說苑曰襄城君始封之日服

翠衣帶玉佩徙倚於流水之上即是水也楚大夫

莊辛所說處後乃縣之說苑云襄城君衣翠衣帶

上楚大夫莊辛過而說之遂拜謁曰臣願把君之

手其可乎襄城君忿而不言莊辛曰君獨不聞鄢

君子皆有感于越人之歌呂后元年立孝惠後宮

子義為侯國王莽更名相成也黃帝嘗遇牧童於

水經注箋 卷二十一 八 四百九十八

其野莊子云黃帝將見太隗乎具茨之山至於襄

城之野七聖皆迷無所問途適遇牧馬童子

問塗故嵇叔夜讚曰奇矣難測襄城小童倦遊六

合來憩茲邦也其城南對汜城周襄王出鄭居汜

即是此城也春秋襄公二十六年楚伐鄭涉汜而

歸杜預曰涉汝水於汜城下也晉襄城郡治京相

璠曰周襄王居之故曰襄城也今置關於其下汝

水又東南流逕西不羹城南春秋左傳昭公十二

年楚靈王曰昔諸侯遠我而畏晉今我大城陳蔡

不羹賦皆千乘諸侯其畏我乎東觀漢記曰車騎

馬防以前參藥勤勞省闈增封侯國襄城羹亭于



二百五十戶卽此亭也。汝水又東南逕繁丘城南而東南出也。

又東南過定陵縣北

湛水出犍縣北魚齒山西北東南流歷魚齒山下為湛浦方五十餘步。春秋襄公十六年晉伐楚報楊渠之役楚公子格及晉師戰于湛阪楚師敗績遂侵方城之外。今水北悉枕翼山阜於父城東南。湛水之北山有長阪。宋本作阪下同蓋卽湛水以名阪故有湛阪之名也。湛水又東南逕蒲城北。京相璠曰昆陽縣北有蒲城。蒲城北有湛水者是也。漢水又

水經注箋

卷二十一

九

三百六十六

東於汝水九曲北東入汝。杜預亦以是水為湛水矣。周禮荊州其浸潁湛。鄭玄云未聞蓋偶有不照也。今考地則不乖其土言水則有符經文矣。汝水又東南逕定陵縣故城北。漢成帝元延三年封侍中衛尉淳于長為侯國王莽更之定城矣。東觀漢記曰光武擊王莽二公還到汝水上於涯以手飲水澡頰塵垢。謂傅俊曰今日疲倦諸君寧憊也。當作邪。卽是水也。水右則澠水左入焉。左則百尺溝出矣。溝水夾岸層崇亦謂之為百尺隄也。自定陵城北通潁水於襄城縣潁盛則南播汝佚。當作則北

注溝之東有澄潭號曰龍淵在汝北四里許南北百步東西二百步水至清深嘗不耗竭佳饒魚筍湖溢則東注瀟水矣汝水又東南昆水注之水出魯陽縣唐山東南流逕昆陽縣故城西更始元年王莽徵天下能爲兵法選練武衛招募猛士旌旗輜重千里不絕又驅諸獷獸虎豹犀象之屬以助威武自秦漢出師之盛未嘗有也世祖以數千兵激之陽關

宋本作邀之後漢書作激之於陽關

諸將見尋邑兵盛反

水經注箋

卷二十一

十一

四百二

圍城數千里

本紀作數十重

雲車十餘丈瞰臨城積弩亂

發矢下如雨城中人負戶而汲王鳳請降不許世祖帥營部俱進頻破之乘勝以敢死三千人徑衝尋邑兵敗其中堅於是水之上遂殺王尋城中亦鼓譟而出中外合勢震呼動天地會大雷風屋瓦皆飛莽兵大潰昆水又屈逕其城南世祖建武中封侍中傅俊爲侯國故後漢郡國志有昆陽縣蓋藉水以氏縣也昆水又東逕定陵城南又東注汝水汝水又東南逕奇頌一作頌城西北今南潁川郡治也瀆水出焉世亦謂之大灑水爾雅曰河有雍

汝有瀆然則瀆者汝別也故其下夾水之邑猶流  
汝陽之名是或瀆隱之聲相近矣亦或下合隱潁  
兼統厥稱矣

又東南過郟縣北

汝水逕奇頷城西東南流其城衿帶兩水側背雙  
流汝脫一水字又東南流逕郟縣故城北故魏下邑也

史記楚昭陽伐魏取郟是也汝水又東得醴口水

水出南陽雉山亦云導源雉衡山即山海經云衡

山也郭景純以為南嶽非也馬融廣成頌曰面據

衡陰指謂是山在雉縣界故世謂之雉衡山依山

水經注箋

卷二十一

十二

全一  
三百八十四

海經不言有水焉然醴水東流歷唐山下即高鳳

所隱之山也後漢逸民傳云高鳳字文通南陽葉人教授業於西唐山中年老執志不

倦隱身漁釣終於家醴水又東南與臯水合水發臯山郭景

純或作章山東流注于醴水醴水又東南逕唐城

北南入城而西流出城蓋因山以即稱矣醴水

又屈而東南流逕葉縣故城北春秋昭公十五年

許遷于葉者也楚盛周衰控霸南土欲爭強中國

多築列城於北方以逼華夏故號此城為萬城或

作方城唐勒奏土論曰我是楚也世霸南土自越

以至葉垂弘境萬里故號曰萬城也余按春秋屈

左城方城說  
葉縣文

地理志注中

汝水注或入水

汝水注或入水

完之在邵陵對齊侯曰楚國方城以為城杜預曰  
方城山名也在葉南未詳孰是楚惠王以封諸梁  
子號曰葉公城即子高之故邑也葉公好龍神龍  
下之河東王喬之為葉令也每月望常自詣朝堂  
後漢書作詣臺朝帝帝怪其來數而不見車騎顯宗密令太  
史何當作望之言其臨至輒有雙鳧從東南飛來  
於是候鳧至舉羅張之但得一隻鳧乃詔尚方診  
視則四年中所賜尚書官屬履也每當朝時葉門  
下鼓不擊自鳴聞於京師後天下玉棺於堂前吏  
民終不搖動喬曰天帝獨欲召我耶乃沐浴服飾

水經注箋

卷二十一

十二

全一  
四百二十

寢其蓋使

當作便

立覆宿昔葬於城東土自成墳其

夕縣中牛皆流汗喘乏而人無知者百姓為立廟

號葉君祠牧守每班錄皆先謁拜之吏民祈禱無

不如應若有違犯亦立能為崇帝乃迎取其鼓置

都亭下略無復聲焉或云即古仙人王喬也是以

于氏書之於神化

王喬事具後漢書方術傳本醴出干寶搜神記神化篇也

水又逕其城東與燒車水合水西出苦菜山東流

側葉城南而下注澧水

舊本作醴水

澧水又東逕葉公

廟北廟前有公子高諸梁碑

皇覽云葉縣西北去城二里葉公諸梁冢

近縣祠之

舊秦漢之世廟道有雙闕凡遊黃巾之

亂殘毀頽闕一作頽闕魏太和景初中令長修飾舊宇

後長汝南陳晞以正始元年立碑碑字破落遺文

殆存事見其碑醴水又東與葉西陂水會縣南有

方城山屈完所謂楚國一作方城以為城者也出

有湧泉北流畜之以為陂故塘方二里陂水散流

又東逕葉城南而東北注醴水醴水又東注葉陂

陂東西十里南北七里二陂並諸梁之所竭也舊本

作陂水又東逕漁陽縣故城北又東脫定陵城

南東與芹溝合其水導源葉縣東逕漁陽城北又

東逕定陵縣南入當作東南流注澧其水逕流昆

水經注箋 卷二十一 十三 陳疏 四百二十

醴之間纏絡四縣之中疑即呂忱所謂澧水也今

於定陵更無別水唯是水可當之澧水東逕鄆縣

故城南左入汝山海經曰澧水東流注于澧水也

孫云山海經曰雅山澧水出焉東流注于澧汝水

又東南流逕鄧城西春秋左傳桓公二年蔡侯鄭

伯會于鄧者也汝水又東南流漁水注之孫云山海經曰

朝歌之山無水出焉注云無音武今在南陽舞陽縣

又東南過汝南上蔡縣西

汝南郡楚之別也漢高祖四年置玉蔡改郡曰汝

南縣故蔡國周武王剋殷封其弟叔慶於蔡世本

建武當是  
永初

曰上蔡也九江有下蔡故稱上竹書紀年曰魏晉

率師及鄭師伐楚取上蔡者也建安元年安帝封

鄧騭為侯國汝水又東逕茲瓠瓠本本作懸瓠城北王

智深云汝南太守周矜起義於懸瓠者是矣今豫

州刺史汝南郡治城之西北汝水枝別左出西北

流又屈西東轉又西南會汝形若垂瓠者彥云城

北名焉疑作城灣中有地數頃上有栗園栗小殊

不並固安之實也魏都賦云信都之栗故安之栗然

歲貢三百石以充天府水渚即栗州也樹木高茂

望若屯雲積氣矣林中有栗堂射埽甚間敞牧宰

水經注箋

卷二十一

十四

四百八

及英彥多所遊薄其城上西北隅高祖以太和中

幸懸瓠平南王肅起高臺一作齋於小城建層樓於

隅阿下際水竭一作涸降栗渚左右列榭四周參差

競踴奇為佳觀也

又東南過平輿縣南

一作平輿按漢書地理志汝南有平輿縣輿古音豫

溱水出浮石嶺北青衣山亦謂之表一作衣衣水也

東南逕朗陵縣故城西應劭曰西南有朗陵山縣

以氏焉世祖建武中封城門校尉當作為侯

國也溱水又南屈逕其縣南又東北逕北宜春縣

故城北漢地理志汝南郡有宜春縣後漢郡國志作北宜春至疑王莽更名

永元當是  
元初

山陰陽下位云

謝北申云

一作四圍

之為宣孱也。豫章有宣春故加北矣。永元三年

帝封后父侍中閻暢為侯國。溱水又東北逕馬香

城北。又東北入汝汝水。又東南逕平輿縣。南安成

縣故城北。王莽更名至成也。漢武帝元光六年封

長沙定王子劉蒼為侯國矣。汝水又東南汶水。孫

當作水首受慎水於慎陽縣故城南。陂水兩分

陂水。一水自陂北逕。宋本慎陽城四固。謝北申云城塹

潁川荀淑遇縣人黃叔度於逆旅。與語移日。曰子

吾師表也。范曄論曰：黃憲言論風旨無所傳聞。然

士君子見之者靡不深服。遠後漢書去疵吝。將作

水經注箋

卷二十一

十五

以道周性全無得而稱乎。塹水又自瀆東北流注

七陂。一水自陂東北流積為同陂。陂水又東北又

結而為陂。世謂之窖陂。陂水上承慎陽縣北陂。東

北流積而為土陂。陂水又東為窖陂。陂水又東南

流注壁陂。陂水又東北為太陂。陂水又東入汝汝

水。又東南逕平陵亭北。又東南逕陽遂鄉北。汝水

又東逕樂亭北。春秋之棘櫟也。杜預曰：汝陰新蔡

縣東北有櫟亭。今城在新蔡故城西北。半淪水。汝

水城北。謝云宋本作故城西北城又東南逕新蔡

縣故城南。昔管蔡間王室放蔡叔而遷之。其子胡

能率德易行周公舉之為魯宋本無卿士以見于

王王當作命之以蔡中呂地也以奉叔度祀是為

蔡仲矣尚書云蔡仲克庸祇德周公以為卿士叔

而而死其子胡改行率德馴善周公聞之以為魯卿

士魯國治於是周公言於成王復封胡於蔡以奉

故名其地為新蔡王莽所謂新遷者也世祖建武

元年封吳國為侯國汝南先賢傳曰新蔡鄭敬字

次都為郡功曹都尉高懿廳事前有槐樹白露類

甘露者懿問掾屬皆言是甘露敬獨曰明府政未

能致甘露但樹汁耳懿不悅託疾而去汝水又東

水經注箋

卷二十一

南左會潁水水上承汝水別流於奇頽城東東南

流為練溝逕邵陵當作縣西東南流注至上蔡西

岡北為黃陵陂陂東流於上蔡岡東為蔡塘又東

逕平輿縣孫云當作故城南為潁水縣舊沈國也

有沈亭春秋定公四年蔡滅沈以沈子嘉歸後以

為縣史記曰秦將李信攻平輿敗之者也建武三

十年世祖封鈹統為侯國後漢書鈹斯傳云期卒

弟統為建平侯似非汝南郡治昔費長

房為市吏見王壺公懸壺郡市長房從之因而自

退舊本同入此壺隱淪仙路骨謝懷靈無會而返



雖能役使鬼神而終同物化城南里餘有神廟世謂之張明府祠水旱之不節則禱之廟前有石碑

舊本作文字紊碎不可復尋碑側有小石函按桂

陽先賢畫讚張熹乃桂陽郡臨武縣人吳本作信陽誤臨武張熹字季

智為平與令時天下大旱熹禱雩未獲應宋本作熹躬雩

示獲熹乃積柴自焚主簿崇小史宋本作吏張化從熹

焚焉俟舊本作矣宋本無矣字火既燎天靈感應即澍雨此

熹自焚處也澹水又東南左迤為葛陂陂方數十

里水物舍當作舍靈多所苞育昔費長房投杖於陂

而龍變所在也又効東海君於是陂矣神仙傳云壺公以一

水經注箋 卷二十一 十七 四百七十九

竹杖與費長房騎之到家以杖棄葛陂中視之乃青龍耳後到東海值大旱三年謂請雨者曰東海

神君前來淫葛陂夫人吾係之故久陂水東出為

鰲水俗謂之三丈陂亦曰三嚴水水逕鰲陽縣故

城南應劭曰縣在鰲水之陽漢明帝永平中封衛

尉陰與子慶為侯國也後漢書陰興卒以汝南之鰲陽封興子慶為鰲陽侯

縣有葛陵城建武十五年更名封經侯宋本作鉞

丹為侯國後漢書鉞期傳云期子丹嗣城之東北

有楚武王家民謂之楚王瑟城瑟城當作琴城三十二卷注云楚人

謂冢為琴六安縣都陂中有大冢民傳曰公琴即阜陶冢也城北祝社里下土

中得銅鼎銘曰楚武王是知武王隧也銅陂東注

水經注卷二十一

為富水水積之處謂之陂塘津渠交絡枝布川隰

矣澆水自葛陂東南逕新蔡縣故城東而東南流

注于汝水又東南逕下桑里左迤為橫塘陂又東

為北清陂者也當作又東汝水又東南逕壺丘城

北故陳也春秋左傳文公九年楚侵陳剋壺丘以

其服于晉是也汝水又東與溝陂合當作清陂水上承

慎水於慎陽縣之上慎陂右溝北注馬城陂陂西

有黃丘亭陂水於東逕新息亭北又東為網陂一作

陂網陂水又東逕新息縣結為牆陂陂水又東逕遂

鄉南東當作東南而為壁陂又東為青陂陂東對大呂

水經注箋

卷二十一

亭春秋外傳曰當成周時南有荆蠻申呂姜姓矣

鄭語史伯語鄭桓公曰當成周者南有荆蠻申呂應鄧陳蔡隨唐蔡平侯始封也

西南有小呂亭故此稱大也側陂南有青陂廟廟

前有阪漢靈帝建寧三年新蔡長河南緱氏李言

上請脩復青陂司徒臣訓尚書臣龔奏可洛陽宮

於青陂東宋本作臣龔奏可塘南樹碑碑稱青陂

在縣坤地源起桐栢淮川別流入于潺湲逕新息

牆陂宋本作衍入襄信界灌溉五百餘頃陂水又東

分為二水一水南入淮一水東南逕白亭北又東

逕吳城南史記楚惠王二年子西召太子建之子

勝於吳勝人居之故曰吳城也又東北屈逕壺山  
東而北流注于汝水世謂之薄谿水汝水又東逕  
襄信縣故城北而東注矣

又東至原鹿縣

汝水又東南逕縣故城西杜預所釋地曰汝陰有  
原鹿縣也

南入于淮

所謂汝口側水有汝口戍淮汝之交會也

己未四月十二日讀